



საქართველოს ადმინისტრაციულ-ტერიტორიულ ერთეულებში
(ამბროლაურის, ლენტეხის, ონის, ცაგერის მუნიციპალიტეტებში)
სახელმწიფო რწმუნებულის

ბ ა ნ კ ა რ ბ უ ლ ე ბ ა

ქ. ამბროლაური

N ად-54
01.07.2024

54-01-4-202407011411



საქართველოს ადმინისტრაციულ - ტერიტორიულ ერთეულებში (ამბროლაურის, ლენტეხის, ონის ცაგერის მუნიციპალიტეტებში) სახელმწიფო რწმუნებულის პირველი მოადგილისა და მოადგილეების უფლება - მოვალეობების განსაზღვრის შესახებ

„საქართველოს მთავრობის, სტრუქტურის, უფლებამოსილებისა და საქმიანობის წესის შესახებ“ საქართველოს კანონის 27³ მუხლის, „საქართველოს ზოგადი ადმინისტრაციული კოდექსის“ 61-ე მუხლის, „სახელმწიფო რწმუნებულის დებულების დამტკიცების შესახებ“ საქართველოს მთავრობის 2013 წლის 29 ნოემბრის №308 დადგენილებით დამტკიცებული სახელმწიფო რწმუნებულის დებულების მე-6 და მე-7 მუხლების შესაბამისად:

1. სახელმწიფო რწმუნებულის პირველ მოადგილეს ქრისტინე კობახიძეს დაევალოს:

- ა. ზედამხედველობა გაუწიოს სახელმწიფო რწმუნებულის აპარატის საქმიანობას;
- ბ. სახელმწიფო რწმუნებულის არყოფნისას ხელმძღვანელობა და კოორდინაცია გაუწიოს ადმინისტრაციის საქმიანობას;
- გ. კომპეტენციის ფარგლებში, კოორდინაცია გაუწიოს რეგიონის სოციალურ-ეკონომიკურ განვითარებას;
- დ. კომპეტენციის ფარგლებში, კოორდინაცია გაუწიოს კულტურის, სპორტისა და ახალგაზრდობის სფეროების განვითარებას;
- ე. შეასრულოს სახელმწიფო რწმუნებულის სხვა დავალებები.

2. სახელმწიფო რწმუნებულის მოადგილეს ალუდა თუთისანს დაევალოს:

- ა. ზედამხედველობა გაუწიოს რეგიონული პროექტების კოორდინირების სამსახურის საქმიანობას;
- ბ. კოორდინაცია გაუწიოს რეგიონული პოლიტიკის განხორციელებასა და ადგილობრივი თვითმმართველობის რეფორმის ცალკეულ ღონისძიებებს;
- გ. კოორდინაცია გაუწიოს სახელმწიფო ბიუჯეტიდან დაფინანსებული ინფრასტრუქტურული პროექტებისა და სოფლის მეურნეობის სფეროების განვითარებას;

დ.უზრუნველყოს საზღვარგარეთის სახელმწიფოების რეგიონებთან თანამშრომლური ურთიერთობების ხელშეწყობა;

ე.უზრუნველყოს ვეტერინარულ და მცენარეთა კარანტინის დაწესებისა და მოხსნის ღონისძიებათა განხორციელების ხელშეწყობა, საქართველოს კანონმდებლობის შესაბამისად;

ვ.შეასრულოს სახელმწიფო რწმუნებულის სხვა დავალებები.

3. სახელმწიფო რწმუნებულის მოადგილეს ბერდია ჩანქსელიანს დაევალოს:

ა.ზედამხედველობა გაუწიოს ადგილობრივი თვითმმართველობის ორგანოებთან ურთიერთობის სამსახურის საქმიანობას;

ბ.კოორდინაცია გაუწიოს საქართველოს მთავრობისა და სახელმწიფო უწყებების ურთიერთობას ადგილობრივი თვითმმართველობის ორგანოებთან;

გ.საქართველოს კანონმდებლობით დადგენილი წესით და კომპეტენციის ფარგლებში, საქართველოს შინაგან საქმეთა სამინისტროს მმართველობის სფეროში შემავალი სახელმწიფო საქვეუწყებო დაწესებულების - საგანგებო სიტუაციების მართვის სამსახურთან კოორდინაციით, განხორციელოს საგანგებო სიტუაციის პრევენციის, ერთიანი სისტემის მზადყოფნის, საგანგებო სიტუაციაზე რეაგირებისა და აღდგენითი სამუშაოების ორგანიზების სფეროში საქართველოს კანონმდებლობით განსაზღვრული უფლებამოსილებები;

დ.შეასრულოს სახელმწიფო რწმუნებულის სხვა დავალებები.

4.საქართველოს ზოგადი ადმინისტრაციული კოდექსის 61-ე მუხლის შესაბამისად, ძალადაკარგულად გამოცხადდეს „საქართველოს ადმინისტრაციულ - ტერიტორიულ ერთეულებში (ამბროლაურის, ლენტეხის, ონის ცაგერის მუნიციპალიტეტებში) სახელმწიფო რწმუნებულის პირველი მოადგილისა და მოადგილეების უფლება-მოვალეობების განსაზღვრის შესახებ“ სახელმწიფო რწმუნებულის 2024 წლის 12 იანვრის №3 განაკრგულება.

5. განკარგულება შეიძლება გასაჩივრდეს საქართველოს კანონმდებლობით დადგენილი წესით, მისი გაცნობიდან 1 (ერთი) თვის ვადაში ამბროლაურის რაიონულ სასამართლოში (მის: ქ. ამბროლაური, კოსტავას ქ. №13);

6. განაკრგულება ამოქმედდეს ხელმოწერისთანავე.

პარმენ მარგველიძე



სახელმწიფო რწმუნებული